

Արմ.

2-5423a

# ՎՈՉԽԱՐՆԵՐԻ

ԲԵՂՄՆԱՎՈՐՄԱՆ ԿԱՄՊԱՆԻԱՆ



Ихв.

№

14598

636

7-25



630  
h-25

## Հ Ր Ա Հ Ա Ն Ք

**ՎՈՇԽԱՐԱՐՈՒԾԱԿԱՆ ԿՈՆՏՆՏԵՍԱՅԻՆ ԱՊՐԱՆԲԱՅԻՆ  
ՓԵՐՄԱՆԵՐՈՒՄ ԶՈՒԳԱՎՈՐՄԱՆ ԿԱՄՊԱՆԻԱՆ  
ԱՆՑԿԱՑՆԵԼՈՒ ՄԱՍԻՆ**

Վոշխարաբուծական ապրանքային ֆերմաներում զուգավորման կամպանիայի կազմակերպումն ու անցկացումը վճռական նշանակություն ունեն ֆերմայի հոտի վորակական ու քանակական ցուցանիշների աճման, ապրանքայնության և լեկամտի բարձրացման գործում:

Վոշխարների զուգավորման կամպանիայի հաջող անցկացումը պահանջում է ժամանակի և կանոնավոր նախապատրաստվել՝ հաշվի առնելով յուրաքանչյուր ֆերմայի բոլոր հնարավորություններն ու պայմանները:

Այս հրահանգը պիտի մշակվի վոշխարաբուծական յուրաքանչյուր ֆերմայի բրիգադային և արտադրական խորհրդակցություններում:

Զուգավորման կամպանիայի նախապատրաստումը պիտի սկսել վոչ ուշ, քան տվյալ շրջանի համար նախատեսված զուգավորման ժամանակից 1 ու կես ամիս առաջ: Այդ ժամանակամիջոցում վոշխարաբուծական յուրաքանչյուր ֆերմայում պիտի կատարել հետևյալ աշխատանքները.

### 1. ԶՈՒԳԱՎՈՐՄԱՆ ԿԱՄՊԱՆԻԱՅԻ ՊԼԱՆԸ

Յուրաքանչյուր վոշխարաբուծական ֆերմայի վոշխարների զուգավորման պլանը պիտի արտահայտի.

ա) մայրերի քանակն ըստ ցեղերի և հոտերի.

Տեխ. խմբագիր՝ Հ. Մուրադյան  
Թարգմ.՝ Լ. Բոլիբեկյան  
Սրբագրիչ Գար. Հակոբյան

Գլավիտի լրագոր № Գ—124, հրատ № 245, պատվ  
Հանձնվել է արտադրության 1935 թ. հունիսի 1  
Ստորագրված է տպագրելու 1935 թ. հունիսի 28  
Գյուղհրատի տպարան, Յերեան, Եալանդյան № 1



բ) արտադրողների քանակին ըստ ցեղերի և հոտերի, արտադրողների պակասը վճարողից պիտի ստացվի և ինչ ժամկետում:

գ) արհեստական սերմանման լենթակա և ձեռնաքաշ լեղանակով զուգավորվելիք մայրերի քանակը:

դ) մայրերի ընտրությունը համապատասխան արտադրողների համար:

ե) պարտականությունների բաշխումն ինչպես առանձին բրիգադների, նույնպես և բրիգադների ներսում՝ կուլտեսականների միջև:

զ) ունեցած կերի քանակը և այն ծախսելու կարգը, նույնպես և արժույթների ոգտագործումն ինչպես զուգավորման կամպանիայի նախապատրաստման, այնպես և նրա անցկացման ամբողջ ժամանակաշրջանում:

է) ձեռնաքաշ զուգավորման և արհեստական սերմանման համար պահրաժեշտ ինվենտարով և շենքերով ապահովված լինելը:

Զուգավորման կամպանիայի անցկացման ժամկետները:

Զուգավորման կամպանիայի պլանը պիտի կազմի ֆերմայի վարիչը՝ հովիվների հետ միասին, վորը պիտի հաստատվի կուլտեսականների ընդհանուր ժողովում վոչ ուշ, քան զուգավորումն սկսելուց 1 ու կես ամիս առաջ:

## 2. ԿԱԴՐԵՐԻ ՊԱՏՐԱՍՏՈՒՄԸ

Մայրական հոտերն սպասարկող բոլոր կուլտեսականները, նախքան զուգավորման անցկացումը, պիտի պատրաստվեն շրջաններում կազմակերպվելիք կարճատև կուրսերում կամ շրջանային ու կուլտեսակությունների զոովեռ պերսոնալի անմիջական հրահանգման միջոցով:

Մայրական հոտում աշխատող յուրաքանչյուր կուլտեսակական հովիվ պիտի հայտնի լինի այս հրահանգը և նա լավ պետք է տիրապետի ձեռնարկային զուգավորման տեխնիկային:

Այն կուլտեսականները, վորնշանակված են աշխատելու արհեստական սերմանման գծով, իրենց ունեցած ընդհանուր գիտելիքներից բացի, պիտի պատրաստվեն արհեստական սերմանման կայանի հրահանգչի միջոցով:

## 3. ԶՈՒԳԱՎՈՐՄԱՆ ԿԱՄՊԱՆԻԱՅԻ ԺԱՄԿԵՏԸ

Վոչխարների հղիության շրջանը տևում է 145—155 օր (5 ամիս): ՎԱՅ զուգավորման կամպանիան պիտի անցկացնել հաշվի առնելով հետևյալը:

ա) ծինը գցել գարնան այն շրջանը, յերբ գառների աճեցման համար ամենանպաստավոր ժամանակն է լինում, հիմնականում վոչխարների արոտային շրջանի դուրս գալու նախորդելին:

Վաղ ծինը, գառների խոշոր սատկումներից խուսափելու համար, թուլյատրելի չե այն տնտեսություններում, վորոնք լրիվ չափով ապահովված կլինեն հատուկ տաք շենքերով, լավագույն սիլոսով, խոտով և խտացրած կերով:

բ) ծինը պիտի անցկացնել 3—4 շաբաթվա ընթացքում, սակայն մասսայական ծինը պիտի տեղի ունենա 15—17 օրում: Ավելի չերկարաձգվող ծինը պահանջում է աշխատանքի ավելի գործադրում և, բացի այդ, ստացվում է հասակի մեծ տարբերություն ունեցող սերունդ, վորի հետևանքով էլ ուշ ծնված գառները թույլ են զարգանում՝ չզիմանալով ամառային շոգերին:

Զուգավորման կամպանիան պիտի ավարտել 30—35 օրվա ընթացքում: Ղոչթողը կատարելիս պիտի հաշվել 155 օր այն ժամկետից, յերբ ցանկանում ենք վոչխարների ծինը:



40030-63



#### 4. ԿԵՐԻ ԲԱԶԱՅԻ ԿԱԶՄԱԿԵՐՊՈՒՄԸ

Առօսնեքի ոգազործման կարգը

Զուգավորման կամպանիայի նախապատրաստման և նրա անցկացման ամբողջ ժամանակաշրջանում մայրական հոտերին և խոյերին հատկացվում են լավագույն արոտները: Վոչխարանոցներից կամ վոչխարների գիշերելու վայրից հեռու գտնվող արոտները պիտի ոգտագործել զուգավորման կամպանիայի նախապատրաստման ժամանակամիջոցում: Մոտակա արոտավայրերը, վորոնք հատկացված են ձեռնաքաշ զուգավորման և արհեստական սերմանման համար, պիտի ոգտագործել զուգավորման ժամանակամիջոցում:

Կերի պահանջը զուգավորման կամպանիայի նախապատրաստման յեվ նրա անցկացման ամբողջ ժամանակամիջոցում

Նախապատրաստման (1—1 ու կես ամիս) և զուգավորման կամպանիայի ամբողջ ժամանակաշրջանում (1—1 ու կես ամիս) ՎԱՖ պիտի ապահովված լինի խտացրած կերով (գարի կամ վարսակ), հաշվելով մեկ խոյին որական 0,4 կիլոգրամ, իսկ նիհար և թույլ մայրերին, վորոնք կարիք ունեն լրացուցիչ կերի, որական 0,2 կիլոգրամի հաշվով:

#### 5. ՄԱՅՐԱԿԱՆ ՀՈՏԵՐԻ ԿՈՄՊԼԵԿՏԱՎՈՐՈՒՄԸ ՅԵՎ ՆՐԱՆՑ ՆԱԽԱՊԱՏՐԱՍՏՈՒՄԸ ԶՈՒԳԱՎՈՐՄԱՆ ԿԱՄՊԱՆԻԱՅԻՆ

Մայրական հոտերում կոմպլեկտավորում յեվ խոտանում կատարելը

ա) Բարձր միջերազմություն ունեցող ինչպես զառյուռն, նույնպես և տեղական լավացրած բոլոր մայր վոչխարները, վորոնք գարնանը բոնիտիրովկայի չեն լենթարկվել, աշնանը՝ բեղմնավորումից մեկ ամիս առաջ բոնիտիրովկայի պիտի լենթարկվեն:

բ) մայրական հոտերի կոմպլեկտավորումը պիտի վերջացնել մայրական հոտերը վերակազմելու ժամանակ, վորը կատարվում է գառներին ծծից կտրելուց և վոչխարների խոտանումից անմիջապես հետո:

խոտանման պիտի լենթարկել բոլոր անատամ կամ ատամները շարժվող մայրերին, կրծի խրոնիքական հիվանդություն ունեցողներին և բոլոր հասակի անբուժելի հիվանդ մայրերին:

Անասնաբուժական-նախազգուշական միջոցառումներ յեվ նրանց անցկացման ժամանակը:

Նախքան մայրական հոտերի վերակազմումը, բոլոր վոչխարներն անասնաբուժական պերսոնալի կողմից ստուգման պիտի լենթարկվեն:

1. Քոտով հիվանդ վոչխարներին զուգավորման պիտի թողնել միայն հակաքոտային լուծուկթներն անցնելուց և վերջնականապես բուժվելուց հետո:

2. Վարակիչ վիժումով հիվանդ մայրերին պիտի մեկուսացնել առանձին խմբում և նրանց համար նշանակել առանձին խոյեր, վորոնց չպետք է առողջ հոտերի մեջ թողնել: Ցեղական բարձրարժեք խոյերին զուգավորման նպատակով չի կարելի թողնել հիվանդ մայրերի հոտի մեջ: Վարակիչ վիժումով հիվանդ կամ կասկածելի խոյերին արգելվում է զուգավորման թողնել:

3. Զուգավորման լենթակա վոչխարների հոտերում անասնաբուժական նախազգուշական և մասնաշաղկան բուժման բոլոր միջոցառումները, կապված վարակիչ հիվանդությունների բուժման և նախազգուշացման հետ, պիտի ավարտել՝ սրսկումները 1 ու կես ամիս, իսկ հակաքոտային



լողացումները և ճիճվային հիվանդութիւնների բուժումը՝  
1 ամիս, զուգավորումն սկսելուց առաջ:

Մայրական հոտերի կոմպլեկտավորումը պիտի ապարտ-  
ված լինի մինչ հակաքոսային լողացումները, վորից  
հետո հոտերում վերակազմութիւններ չպիտի կատարել:

Հոտերի վերակազմումը

Խոտանում կատարելուց հետո ՎԱՖ մնացած բոլոր  
մայրերը պիտի վերակազմել առանձին հոտերում, պահպա-  
նելով հետեալ կանոնները.

1. հոտերի վերակազմումը պիտի կատարել ըստ վոչխար-  
ների ցեղերի, դասերի և բոնիտիքովկայի: Այն հոտերում,  
վորտեղ անց չի կացվում բոնիտիքովկա, մայրական հո-  
տերի խմբավորումները պիտի կատարել ըստ ցեղերի և  
հասակի, իսկ կոպտաբուրդ վոչխարներին՝ նաև ըստ բրդի  
գունի և գիրութիւն:

Մեախ մայրերից հոտեր պիտի վերակազմել վոչ թե  
ըստ առանձին սերունդների, այլ նրանց գեղմերի դասե-  
րի համաձայն:

2. Մայրական հոտի մեծութիւնը 500 գլխից ավելի  
չպիտի լինի:

3. Մատղաշներին և թույլ ու նիհար մայրերին պիտի  
առանձնացնել առանձին հոտերում, հատկացնելով լավա-  
գույն արոտներ, միաժամանակ տալով խտացրած լրա-  
ցուցիչ կեր՝ մեկ գլխին որակաւ 0,2 կիլոգրամի հաշվով:

4. Այն մայրերը, վորոնք ընթացիկ տարում չեն ծնել,  
պիտի առանձնացնել և առանձին հոտ կազմել, իսկ չեթե  
դրանց թիվը քիչ է, թողնել մայրական ընդհանուր հո-  
տի մեջ, նշանելով աղպիսիներին և չեթարկելով անասնա-  
բուժական ստուգման:

5. Այն հոտերում, վորտեղ գարնանը չեղել է մասսայա-  
կան վիժում, չեթե անգամ ապացուցված չի նրա վարակիչ  
բնույթ ունենալը, հոտը պիտի վերակազմել այնպես, վոր  
հիշյալ հոտի մայրերը, հոտերը վերակազմելու ժամանակ,  
չընկնեն առողջ հոտերի մեջ: Արդելվում է նաև վարակիչ

վիժումով կասկածելիներին խառնել առողջ հոտերին: Վարա-  
կիչ վիժում ունեցած հոտերի համար պիտի առանձնացնել  
խոյեր, վորոնց՝ զուգավորման համար՝ չի կարելի թողնել  
այլ հոտերի մեջ:

Վարակիչ վիժումով կասկածելի հոտերում պիտի սահ-  
մանել անասնաբուժական մշտական հսկողութիւն, նրանց  
զուգավորման համար առանձնացնելով խոյերի առանձին  
խումբ: Նման մայրական հոտերում լավ է անցկացնել  
արհեստական սերմանում:

Վարակիչ վիժումով հիվանդ հոտերի հովիվներին  
առողջ հոտեր փոխադրելն անթույլատրելի չէ:

Զուգավորման յեկարկվող մայրերի տարիք

ա) Վորպես կանոն, զուգավորման պիտի թողնել  
սկսած 1 ու կես տարեկան հասակ ունեցող մաքիներից.

բ) այն վոչխարաբուծական ֆերմաները, վորոնք  
բեղմնավորման կամպանիայի ժամանակ, մսուրային խնամ-  
քի և ծնի ժամանակաշրջանում ապահովված կլինեն  
տաք վոչխարանոցներով, թույլատրվում է բեղմնավորման  
թողնել լավ զարգացած և գերացած 9—10 ամսական եգ  
դառներին:

Եգ դառների զուգավորման թողնելը չուրաքանչյուր  
առանձին դեպքում (կոտնտեսութիւնում) պիտի կատարվի  
շրջնողբածնի թույլտվութիւնով:

Զուգավորման նախապատրաստվելը

ՎԱՖ բոլոր մայր վոչխարները զուգավորման ժամա-  
նակ պիտի ունենան միջակ գիրութիւն: Այդ վիճակում  
վոչխարների զոչի գալը կանոնավոր է ընթանում, և զուգա-  
վորումը վերջանում 3—4 շաբաթվա ընթացքում: Շատ  
նիհար կամ շատ ճարպակալած վոչխարները դժվարու-  
թիւններ են զոչի գալիս, վորի հետևանքով մեծ քանակու-  
թիւն ստերձներ են լինում, և դառների ծինը ձգձգվում է:



Զուգավորումից վոչ պակաս քան 1 ամիս առաջ վոչխարների կիթը պիտի դադարեցնել, վորպեսզի ալգ ժամանակամիջոցում մայրերը կազդուրվեն: Նիհար մայրերի կիթը պիտի դադարեցնել 1 ու կես ամիս զուգավորումից առաջ: Զուգավորման ժամանակաշրջանում վոչխարներին աղ տալը պարտադիր է:

## 6. ՀՈՏԵՐԸ ԿՈՍՄՈԼԵԿՏԱՎՈՐԵԼԸ ԽՈՅԵՐՈՎ ՅԵՎ ՆՐԱՆՑ ՆԱԽԱՊԱՏՐԱՍՏՈՒՄԸ ԶՈՒԳԱՎՈՐՄԱՆ ԿԱՄՈՒՆԻՍՏԻՆ

Խոյերի պահանջի հաշվումը

ՎԱՅ Խոյերի կոմպլեկտավորումը պիտի կատարել համաձայն ընդունված պլանային ցեղի, հետևյալ հաշվով՝

Զեռնաբազ զուգավորման ժամանակ

2 և բարձր տարիք ունեցող խոյին . . . 45 — 50 մայր

1 ու կես տարեկան խոյին . . . . . 25 — 30 »

Դասային զուգավորման ժամանակ

2 և բարձր տարիք ունեցող խոյին . . . . . 35 մայր

1 ու կես տարեկան խոյին . . . . . 20 — 25

Արհեստական սերմանման ժամանակ

1 խոյին . . . . . 200 մայր

Դասային զուգավորման պիտի թողնել միայն տեղական կոպտաբուրդ վոչխարներին:

Մերինոս և Կարակուլ խոյերին պիտի ոգտադործել ձեռնաքաշ զուգավորման ձևով:

Արհեստական սերմանման և ձեռնաքաշ զուգավորման ժամանակ պահանջվում են փորձախոյեր, վորոնք ընտրվում են 2—3<sup>1</sup>/<sub>2</sub> տարեկան տեղական յեռանդուն խոյերից, հաշվելով 1 խոյին 100 մայր: ՎԱՅ համար պահանջվող խոյերի ընդհանուր քանակից բացի, անհրաժեշտ է խոյերի 10<sup>0</sup>/<sub>0</sub> չափով լրացուցիչ խոյեր ունենալ՝ փոխարինելու ախ խոյերին, վորոնք ախ կամ ախ պատճառով

չեն աշխատի, միաժամանակ հաշվի առնելով կոլտնտեսականներին մայրական կազմի խոյերով ապահովելը:

Զուգավորման մասնակցող խոյերի տարիք

Խոյերին, ինչպես և մայրերին, վորպես կանոն, զուգավորման պիտի թողնել սկսած 1<sup>1</sup>/<sub>2</sub> տարեկան հասակից: Յերբ անհրաժեշտ քանակությամբ 2<sup>1</sup>/<sub>2</sub> տարեկանից բարձր խոյեր կան տնտեսություն մեջ, ալգ ժամանակ 1<sup>1</sup>/<sub>2</sub> տարեկան մատղաշ խոյերի բեռնվածությունը պակասեցվում է, սակայն վոչ մի դեպքում մատղաշ խոյերին չպիտի ազատել զուգավորումից, վորովհետև պիտի ստուգել նրանց սերնդի վորակը, վորպեսզի հաջորդ տարում հնարավոր լինի լավագույն խոյերին հնարավորին չափով ավելի ու տադործել:

Խոյերի խոտանումն ու սնուցումը

Վոչխարաբուծական ախ ֆերմաները, վորոնք ախ են կացնում տեղական վոչխարների մետիզացիա՝ Մերինոս, Կարակուլ և ալ կուլտուրական ցեղի խոյերով, անհրաժեշտ է հենց զարնանից տեղական կոպտաբուրդ խոյերին անշատել ֆերմայի հոտից: Վոչ մի դեպքում չթուլատրել մայրերին և տեղական խոյերին մեկ տեղ պահել:

Խոյերի խոտանում կատարելիս ավելի պահանջվում պետք է լինել, քան մայրերի նկատմամբ:

Խոտանման պիտի լենթարկել.

ա) ախ խոյերին, վորոնք նախորդ զուգավորման կամպանիայի ընթացքում ձանաչված են վորպես իմպոտենտ (սեռականապես թուլ), սերունդ չտվողներ կամ թուլ սերունդ ունեցողներ.

բ) սեռական գործարանների դեֆեկտ և զրիժա ունեցողներին, սեռական գործարանների անբուժելի բորբոքում ունեցողներին և անհուսալի հիվանդներին.

գ) ֆիզիկապես չզարգացածներին, արտաքին վատ հատկանիշներ և ալ արատ ունեցողներին, հատկություններ, վորոնք ախնում են ժառանգաբար:



դ) ձերացած, թուլ և անատամ խոյերին:

Խոտանումից հետո, արհեստական սերմանման համար նշանակված բոլոր խոյերի սերմաբջիջները քննության պիտի լենթարկել, իմանալու համար սերմնորդի ակտիվութունը: Այդ աշխատանքը կատարում է անասնաբուժը կամ արհեստական սերմանում անցկացնող հրահանգիչը: Այն խոյերին, վորոնց սերմնորդը կճանաչվի անպետք, պիտի լենթարկել խոտանման, չեղջուրների վրա խաչաձև նշան անելով (խարանել):

Կոմպլեկսավորում

Ֆերման խոյերի պակասը ձեռք է բերում խորհրտանստություններից կամ այլ կազմակերպություններից: Գնված բոլոր խոյերը պիտի տեղափոխել ֆերմա վոչ ուշ, քան զուգավորման կամպանիան սկսելուց 2 ամիս առաջ և չեղած խոյերի հետ նախապատրաստել զուգավորման:

Զուգավորման համար խոյերի նախապատրաստումը

Զուգավորման համար խոյերին նախապատրաստելու ժամանակ հատուկ ուշադրություն դարձնել.

1. ավարտելուն՝ խոյերի, մանավանդ Մերինոս և կիսակոպտաբուրդ խոյերի վերջնական բուժումը քոսից.

2. խոյերին միջակ գիրության հասցնելուն:

Ինչպես խոյերի, նույնպես և մայրական հոտերում բոլոր տեսակի բուժումներն ու նախազգուշական միջոցառումները պիտի ավարտել՝ հակաքոսային լողացումները և ծաղկի գեմ սրսկումները  $1\frac{1}{2}$  ամիս, իսկ թոքա-ստամոք-սային ճիճուների մաքրելը՝ 1 ամիս զուգավորումից առաջ:

Զուգավորման համար խոյերի նախապատրաստման հիմնական աշխատանքն ուղղված պիտի լինի նրանց արոտային խնամքի բարելավման վրա, հանձնելով այդ խնամքը հարվածային, լավագույն հովիվներին:

Զուգավորման կամպանիայի նախապատրաստման ամ-

բողջ ժամանակաշրջանում խոյերին պիտի արածեցնել մայրական հոտերից հեռու գտնվող լավագույն արոտանքում, միաժամանակ նրանց կերակրելով խտացրած կերերով:

Խտացրած կերերով լրացուցիչ կերակրելը պիտի սկսել՝ խոյերի միջակ գիրության դեպքում՝ 1 ամիս, իսկ նիհար լինելու ժամանակ՝  $1\frac{1}{2}$ —2 ամիս՝ զուգավորումն սկսելուց առաջ: Վարսակ կամ գարի պետք է տալ, սկսած 0,2 կիլոգրամից, 8—10 որվա ընթացքում հասցնելով 0,4—0,6 կիլոգրամի: Նույն կերաբաժինն էլ շարունակել տալ մինչև զուգավորման կամպանիայի վերջը:

Անհրաժեշտ է խտացրած կերը տալ որական չերկու անգամ հավասար չափով:

Վատ արոտների դեպքում անհրաժեշտ է խոյերին կերակրել նաև լրացուցիչ խոտով: Ինչպես սակավ կերակրելը, նույնպես և չափազանց ուժեղ կերակրելը, վատ է անդրադառնում խոյերի աշխատունակության վրա, վորովհետև ինչպես նիհարած, նույնպես և շատ ճարպակալած խոյերն անկարող են կանոնավոր աշխատել և ծածկել սահմանված քանակությամբ մայրեր, վորի հետևանքով մայրերի վորոշ մասը մնում է ստերիլ և բարձրացնում ստերիլության տոկոսը:

## 7. ՇԵՆՔԵՐԻ ՅԵՎ ԻՆՎԵՆՏԱՐԻ ՆԱԽԱՊԱՏՐԱՍՏՈՒՄԸ

Մայրական բոլոր հոտերը, զուգավորման որացուցային պլանի համաձայն, ամբողջում են համապատասխան վոչխարանոցների և աղալների, վորտեղ և պատրաստում են ձեռնաքաշ զուգավորում անցկացնելու բոլոր պարագաները՝ կերամաններ, ջրամաններ, պատգարակներ, լուպտերներ, համարակալելու ունելի և անհրաժեշտ քանակությամբ ականջի համարներ:

Վոչխարանոցը կամ աղալը, վորտեղ անց է կացվում



ձեռնաքաշ զուգավորումը, տախտակներով կտրել մի քանի բաժինները:

Փորձախոյերի համար պիտի պատրաստել չերկուական գոգնոց:

Զուգավորում անցկացվող բոլոր շենքերը պիտի մաքրել և ախտահանել:

Նպատակ ունենալով վոչխարանոցների շրջակայքում լեղած արոտները պահպանել ձմռան և ծնի կամպանիայի համար, անհրաժեշտ է լավ լեղանակներին վոչխարների զուգավորումն անցկացնել ոգտագործվող հերթական արոտամասում, վորտեղ հարկավոր է անհրաժեշտ հարմարություններ ստեղծել՝ բեղմնավորումը հաջող անցկացնելու համար:

## 8. ԶՈՒԳԱՎՈՐՄԱՆ ԿԱՄՊԱՆԻԱՅԻ ԱՆՑԿԱՑՈՒՄԸ ՅԵՎ ԽՈՅԵՐԻ ԽՆԱՄՔԸ ԶՈՒԳԱՎՈՐՄԱՆ ԺԱՄԱՆԱԿ

Մսուրային խնամքի ժամանակ խոյերը պահվում են փոքրիկ խմբերով՝ 5—10 գլուխ լուրաքանչլուրում, իսկ արոտային խնամքի ժամանակ՝ մեծ խմբերով: Զուգավորման ժամանակամիջոցին չի կարելի խոյերին մալրական հոտերի շրջակայքում արածեցնել, վորովհետև դրանից խոյերը նիհարում են: Աղալներում, վորտեղ անց է կացվում զուգավորումը, խոյերին պետք է պահել ալնպիսի ցանկապատած բաժանմունքներում, վորոնց պատերը լինեն բավական բարձր և ամուր, վորպեսզի խոյերը չկարողանան ցատկել, վորից նրանք հաճախ ջարդվածքներ են ստանում: Զուգավորման ամբողջ ժամանակաշրջանում փորձախոյերի նկատմամբ պիտի սահմանել նույն խնամքը, ինչ վոր խոյերինն է, սակայն փորձախոյերը մյուս խոյերից պիտի առանձին պահել:

Խոյերին զուգավորման կամպանիայի նախապատրաստման և անցկացման ամբողջ ժամանակաշրջանում պետք է արածեցնել լավագույն արոտներում, տալով միաժամա-

նակ նաև լրացուցիչ խտացրած կեր (գարի կամ վարսակ), մեկ գլխին որական 0,4—0,6 կիլոգրամ: Զուգավորման վերջին շրջանում, չերը խոյերի բեռնվածության նորման 1 մալրից չի անցնում, խտացրած կերի քանակը պիտի պակասեցնել  $25\frac{0}{10}$ :

Յերը խոյերն ալլես արոտ չեն գնում, անհրաժեշտ է նրանց ամեն որ դուրս բերել մաքուր ուղի մեջ, ամեն անգամ  $1\frac{1}{2}$  ժամ տևողությամբ, առանց վորի խոյերը կորցնում են իրենց աշխուժությունը և վատ են աշխատում: Յերը խոյերն ոգտագործվում են արհեստական սերմանման և ձեռնաքաշ զուգավորման համար, առավոտները, նախ քան զուգավորումը, խոյերին վոչինչ չպետք է կերցնել և չջրել: Զուգավորումից մեկ ժամ հետո խոյերին նախ պետք է ջրել և ապա տալ խտացրած կերն ու թողնել արոտ:

Արոտ դուրս գալու դեպքում խոյերին պետք է տալ լավորակ խոտ՝ առվույտ, չերեքնուկ և այլն: Զուգավորման կամպանիան վերջանալուց հետո խտացրած կերի նորման աստիճանաբար պիտի պակասեցնել և 10—12 որվա ընթացքում հասցնել կերակրման սովորական նորմաներին:

Անհրաժեշտ է չերկար բուրդ ունեցող խոյերի սեռական գործարանների շուրջը լեղած բուրդը ժամանակին խուզել, վորպեսզի զուգավորման ժամանակ չվնասի խոյի և մաքուր սեռական որդանները:

Զուգավորման կամպանիան անցկացնելու տեխնիկան

Վոչխարների զուգավորումը կարող է կատարվել բնական ճանապարհով և արհեստական սերմանման միջոցով: Բնական զուգավորումը լինում է չերեք ձևի:



## 1. Զուգավորման խառը ձեւ

Այս ձեւի ժամանակ խոյերին և մայրերին զուգավորման ամբողջ ժամանակաշրջանում խառնում են իրար, վորի ժամանակ զուգավորումը կատարվում է առանց ընտրութեան, և խոյերը պատահականորեն ու անկանոն կերպով ծածկում են մաքիներին և ուժասպառ լինում, վորի հետեանքով մայրերի 15—20% -ն ստերը է մնում, քանի վոր մեկ խոյը կարող է միևնույն մաքուն մի քանի անգամ ծածկել, իսկ մի ուրիշ մաքու չծածկել և վոչ մի անգամ:

Զուգավորման այս ձեւի ժամանակ ընտրութեան մասին, իհարկե, խոսք չի կարող, վոր ամենագլխավորն է, մինչդեռ այս ձեւի զուգավորման ժամանակ մեր ցանկացած խոյը չի ծածկի այն մաքիներին, վորոնց մենք ենք ցանկանում, վոր ծածկի, և կծածկի բոլորովին այլ մաքիների, վորոնց մենք նպատակ չենք ունեցել ծածկել այդ խոյով: Այսպիսով վոչ միայն անհնար է դառնում ընտրութեանը, այլև անկարող ենք վորոշել սերնդի ծագումը:

Զուգավորման այս ձեւը գործադրվում է վոչ կուլտուրական տնտեսութեաններում: ՎԱՖ-ում այդ յեղանակի գործադրումն անթույլատրելի չէ:

## 2. Դասային զուգավորում

Զուգավորման այս յեղանակը հնարավորութեուն է տալիս ընտրութեան միջոցով վոչխարները վորակապես լավացնել: Այս ձեւի զուգավորման դեպքում բոլոր խոյերը և մայրերը բաժանում են 3—4 դասի կամ խմբի, նրանց ունեցած տնտեսական ոգտակար հատկանիշների համաձայն: Վորքան այդ հատկանիշները միատարր լինեն, այնքան էլ մեծ է անասունների վորակն ավելի կարճ ժամանակամիջոցում լավացնելու յերաշխիքը:

Զուգավորման այս ձեւի ժամանակ բոլոր մայրերը նախապես ընտրելով և բաժանելով 3—4 դասի՝ զուգավորման ամբողջ ժամանակաշրջանում խառնում են համապատասխան դասի խոյերի հետ: Մայրերի յուրաքանչյուր խումբն են թողնվում նրանց համար նշանակված խոյեր, վորի ժամանակ 1-ին դասի խոյերը զուգավորում են 1-ին դասի մայրերին:

Ո Ր Ի Ն Ա Կ

Վոչխարի հոտը բաժանված է 3 դասի: 1-ին դասի խոյերին 1-ին դասի մայրերի հետ թողնելուց հետո, յերբ խոյերն ավելանում են, այդ դեպքում 1-ին դասի մնացած խոյերին թողնում են մայրերի 2-րդ դասի հետ և այլն:

Զուգավորման այս յեղանակը մայրական հոտը մանրացնում է մի քանի մասերի և լրացուցիչ բանվորական ձեռքեր է պահանջում:

Այս ձեւը կարող է կիրառվել վոչխարաբուծական այն ֆերմաներում, վորոնք իրենց կոպտաբուրդ վոչխարները բուծում են «ինքն իր մեջ», և վորոնք բավականաչափ լավագույն խոյեր ունեն:

Դասային յեղանակի ժամանակ բոլոր խոյերը բաժանվում են 2 մասի և այն ժամանակ, յերբ նրանց մի մասն աշխատում է, մյուս մասը հանգստանում է:


Խոյերի այդ հերթափոխութեունը պահպանվում է մինչև զուգավորման վերջը:

## 3. Զուգավորման ձեռնադրած ձեւը

Ձեռնաքաշ զուգավորման ձեւը պիտի կիրառել:

ա) վոչխարաբուծական տոհմային ֆերմաներում, վորովհետև անհրաժեշտ է իմանալ սերնդի ճիշտ ծագումը: Համաձայն ԽՍՀՄ ՀժԿ կոլեգիայի 1933 թ. 19/VI վորոշման, տոհմային ՎԱՖ-ում արգելվում է զուգավորման խառը և դասային ձեւերի կիրառումը:

Վոչխարների բեղմն.





կոպտաբուրդ փոշխարները մերինոսներով և կարա-  
կուլներով մետիսացնելու ժամանակ թե խառը ձևի  
և թե դասային զուգավորման ժամանակ հաճախ առանց  
մարդու ոգնության չեն կարողանում ծածկել մեծա-  
գմակ մաքրիներին, փորի պատճառով մաքրիներն ստերջ են  
մնում:

գ) բոլոր աֆն դեպքերում, յերբ անհրաժեշտ է մաք-  
րիմալ չափով ոգտագործել բարձրորակ արտադրողներին  
և հնարավորություն չկա արհեստական սերմանում կի-  
րառել:

Ձեռնաքաշ զուգավորում կատարելու ժամանակ  
անհրաժեշտ է պահպանել հետևյալ պայմանները.

ա) զուգավորման ամբողջ ժամանակաշրջանում մայ-  
րական հոտերն արածեցնել և խնամել խոյերից առանձին.

բ) նախքան կերակրելը և արոտի տանելը, ամեն օր վաղ  
առավոտյան պիտի կատարել զոչի լեկող մայրերի ընտ-  
րություն: Դրա համար փոշխարների հոտերը պիտի բա-  
ժանել մասերի, յուրաքանչյուր մասը փոշ ավելի քան  
250 գլուխ, և այդ մասերից ամեն մեկի մեջ թողնել  
համապատասխան թվով փորձախոյեր: Փորձախո-  
յերի առաջին փուլերի հետևից զոգնոց են կապում,  
աֆնպես, փոր զոգնոցը կախվի խոյի սեռական անդամի առ-  
ջևից, փորով խոյը զրկվի մաքուն զուգավորելու հնա-  
րավորությունից: Գոգնոցը սովորաբար լինում է չթից  
30×40 սմ չափով: Գոգնոցի չորս անկյունից թելեր են  
ամրացնում և կապում խոյի մեջքին: Յուրաքան-  
չյուր փորձախոյի համար պիտի պատրաստել յերկուական  
զոգնոց, փորպեսզի հնարավորություն լինի ժամանակին  
լվանալ և մաքուր պահել:

գ) զոչի լեկող բոլոր մաքրիներին պիտի առանձնաց-  
նել փոշխարանոցի կամ աղալի հատուկ բաժանմունքում:  
Անհրաժեշտ է ամեն անգամ փորձախոյերի միջոցով հայ-  
տաբերել բոլոր զոչի լեկող մաքրիներին՝ թույլ չտալով  
փոր հոտում նրանք առանց զուգավորման մնան:

դ) նախքան զուգավորման թողնելը, զոչի լեկող բո-  
լոր մաքրիներին պիտի լենթարկել ստուգման, պարզելու  
համար նրանց սեռական գործարանների վիճակը:

ե) փոշխարանոցը կամ աղալը, փորտեղ անց է կաց-  
վում ձեռնաքաշ զուգավորումը, պիտի բաժանել բաժան-  
մունքների, հետևյալ ձևով.

|   |   |   |
|---|---|---|
| ա | ե | դ |
| բ |   | զ |

«ա» բաժանմունքը նշանակված է զուգավորման  
սպասող մայրերի համար, «բ»՝ արդեն զուգավորված մայ-  
րերի, «ե»՝ կատարվում է ձեռնաքաշ զուգավորում, «զ»՝  
տեղավորում են զուգավորման սպասող խոյերը, «դ» բա-  
ժանմունքում տեղավորում են մայրերին զուգավորած  
խոյերը:

գ) նախքան զուգավորումը, փոշխարաբուծական տոն-  
մային ֆերմաների բոլոր մայրերը և խոյերը պիտի հա-  
մարակալել ականջի համարաներով (ականջի գնտերով):

ե) ձեռնաքաշ զուգավորման ժամանակ պիտի հետե-  
վել և իմանալ, թե խոյը ցատկելիա իրոք զուգավորեց,  
թե փոշ:

Ձուգավորման ակտի մոմենտին լեթե տեղի չե ունե-  
նում խոյի բնորոշ ցնցում, նշանակում է զուգավորման  
ակտն արդեն կատարված է: Միևեույն օրը մաքուն  
յերկու անգամ զուգավորելն արգելվում է:

Բոլոր զոչի լեկող մայրերին պիտի զուգավորել նույն  
օրը:

ը) զուգավորված մայրերի բրդի վրա ներկով նշան  
անել (ներկը լուծելով նաֆթի մեջ), կամ մեկ փունջ  
բուրդը խուզել: 10—12 օր անց, լեթե մաքրի կրկին զոչի



յե գալիս, պիտի զուգավորել և բրդի վրա յերկրորդ նշանն անել, ըստ վորում այդպիսի մայրերը, չնայած վոր զուգավորված են յեղել, բայց չեն բեղմնավորվել: Յերկրորդ անգամ զոչի յեկող մաքիներին նուշնպես պիտի հայտաբերել փորձախոյերով, դրա համար, զուգավորումից 10—12 օր անց, զուգավորված մայրերի հօտի մեջ թողնում են փորձախոյեր և զոչի յեկող բոլոր մայրերին զուգավորում են նուշն յեղանակով:

Խոյերի սերմնորդի բեղմնավորման կարողութունն ստուգելու համար, անհրաժեշտ է խմանալ, թե մաքին առաջին զուգավորման ժամանակ վնր խոյից է զուգավորված յեղել: Յեթե պարզվի, վոր խոյերից կան աջնպիսիները, վորոնցից յերկրորդ անգամ զոչի յեկող մաքիները շատ կան, անհրաժեշտ է այդ խոյերին խոտանել՝ փոխարինելով պահեստի խոյերով:

Թ) զուգավորված մայրերին պահել առանձին խմբերով: Զուգավորված մայրերին վոչ մի դեպքում մինչև մյուս օրը չխառնել հօտին, վորպեսզի կրկին անգամ զուգավորվածներին փորձախոյերը չընտրեն, այլ անհրաժեշտ է զուգավորվածներին ամբողջ ժամանակամիջոցում պահել առանձին խմբերով:

Ճ)  $2\frac{1}{2}$  — 6 տարեկան հասակավոր խոյին զուգավորման համար օրական կարելի չէ տալ 2 մայր վոչխար, վորից մեկն առավոտյան և մյուսը՝ արոտից վերադառնալիս:  $1\frac{1}{2}$  տարեկան խոյերին օրական տալ 1 մաքի և զուգավորել առավոտյան:

Թույլ խոյերին զուգավորման թողնել 2 օրը մեկ անգամ: Յեթե զոչի յեկող մայրերը թվով քիչ են, այդ դեպքում լավագույն խոյերին պիտի աշխատեցնել առաջին հերթին: Յեթե խոյն առաջին անգամ թույլ չի տալիս ձեռնաքաշ յեղանակով զուգավորում կատարել, այդ դեպքում նրան ու մաքուն պիտի տանել վոչխարանոցի կամ

աղալի բաժանմունքներից մեկը, վորպեսզի ազատորեն ծածկի: Յերկրորդ օրը կրկին թողնում են ձեռնաքաշ, մինչև վոր խոյն ընտելանա ձեռնաքաշ յեղանակին:

Ժա) զուգավորման կամպանիայի վերջում, յերբ մայրերի մեծամասնութունը բեղմնավորված կլինի և չնչին թվով մայրեր մնացած կլինեն, անհրաժեշտ է հօտի մեջ թողնել, մինչև զուգավորման ժամկետի վերջը, մեկ կամ յերկու լավագույն ու յեռանդուն խոյ, վորպեսզի ազատ ձևով զուգավորեն այն մայրերին, վորոնք չնայած վոր զուգավորված են յեղել, բայց չեն բեղմնավորվել, և այդպիսով նվազագույն չափերի հասցնել ստերջ մնացող մայրերի թիվը:

Ձեռնաքաշ յեղանակի դեպքում, զուգավորման ամբողջ ժամանակաշրջանում, 500 գլուխ մայրական հօտին սպասարկող հովվական բրիգադին պիտի տալ լրացուցիչ 1—2 մարդ, վորոնք մյուս հովիվների հետ միասին կլնամեն վոչխարներին և կկատարեն ձեռնաքաշ զուգավորումը:

Ժբ) մերինոս խոյերով մետիսացում կատարելու ժամանակ պիտի ընտրել աջնպիսի մաքիներ, վորոնց բուրդը շոշափելիս նուրբ է, փայլուն, խիտ և յերկար, չունի շատ մեռած մազեր և փորի մասը համեմատաբար ավելի չէ բրդակալած: Մերինոսներով մետիսացում կատարելու ժամանակ պիտի ընտրել սպիտակ և բաց-մոխրագույն մաքիներ, իսկ կարակուլ խոյերի համար՝ սև և կարմիր գույնի մաքիներ:

## 9. Հ Ա Շ Վ Ա Ռ Ո Ւ Մ

Զուգավորման կամպանիայի նորմալ ընթացքի դեպքում, զուգավորման առաջին 15-օրյակում պիտի զուգավորված լինի ամբողջ մայրերի  $75\%$ -ը: Յեթե այդ ժամանակամիջոցում չի զուգավորվել մայրերի  $50\%$ -ը, նշանակում է աշխատանքները շատ թույլ են ընթանում և անհրաժեշտ



[illegible]

A. 1936 г.

АКТ №2

**Вкладн.** Л.....

## ՀՀ Ազգային գրադարան



ML0301139



ԳԻՆԸ 25 ԿՈՊ.

21.332

2-542



**Народный Комиссариат Земледелия СССР**

**СЛУЧНАЯ КАМПАНИЯ ОВЕЦ**

Агросельхозгиз—1935—Эривань